



Na osnovu člana 15. Zakona o principima lokalne samouprave u Federaciji BiH („Službene novine Federacije BiH“, broj:49/06) i člana 38. Statuta općine Donji Vakuf (Sl. glasnik općine Donji Vakuf", broj: 1/08) , Općinski načelnik d o n o s i :

PROGRAM RADA OPĆINSKOG NAČELNIKA ZA PERIOD 2013.- 2016. GODINA

Program rada Općinskog načelnika za period 2013.- 2016. godina zasniva se na zakonski definisanim nadležnostima općinskog načelnika i općinskih službi, a polazeći od procjena do kojih se došlo analizom: ostvarenih rezultata u 2012. godini, Strategije razvoja općine do 2012. godine, Programa izgradnje komunalnih i drugih objekata infrastrukture na području Općine Donji Vakuf te Programa rada Općinskog vijeća Donji Vakuf za 2012. godinu.

Iako se u ovom periodu, kao što je bilo i predhodne godine, mogu očekivati nepovoljni uvjeti za razvoj, kao posljedica recesije i globalne ekonomske krize, smanjenjem budžetskih izdataka i nastavljanjem trenda štednje nastojat će da se glavni ciljevi planova za programski period i realiziraju.

U skladu sa svojim odgovornostima kao naredbodavac izvršenja budžeta općine, preduzimat će sve aktivnosti u cilju praćenja ostvarenja i zakonitog trošenja budžeta, redovno izvještavati Općinsko vijeće, maksimalnu pažnju posvetiti budžetskoj disciplini te transparentnosti rada organa uprave u svim vidovima.

Sve nabavke putem javnog tendera izvršiti u skladu sa vrlo zahtjevnim procedurama Zakona o javnim nabavkama, a poslove u oblasti održavanja lokalnih puteva, javne rasvjete i slično dodjeljivati u skladu sa materijalnim propisima koje regulišu ovu oblast, firmama od općeg interesa

Posebnu pažnju posvetiti nastavku saradnje sa pobratimljenim gradovima Inegol iz Turske i Meldola iz Italije te se angažovati na mogućoj saradnji sa drugim gradovima.

S obzirom da je Općinski načelnik zajedno sa službama u najvećoj mjeri predlagač akata iz Programa rada Općinskog vijeća, najveća aktivnost će biti usmjerena na pravovremenu i efikasnu pripremu predmetnih materijala, kako bi se isti u najvećoj mjeri izvršili. Osim planiranih aktivnosti u ovom segmentu , općinskom vijeću će se ponuditi na razmatranje i normativni i drugi akti za čijom izradom se pojavi potreba , a što u ovom momentu nije moguće planirati.

I. AKTIVNOSTI NA UNAPRIJEĐENJU FUNKCIONISANJA OPĆINSKE UPRAVE

Svoje aktivnosti će usmjeriti na unaprijeđenje funkcionisanja općinske administracije, te raditi na organizaciji i funkcionisanju općinske uprave u cilju dobijanja sertifikata ISO 9001:2008.

Raditi na izradi dokumentacije potrebne za usvajanje Prostornog plana Općine Donji Vakuf .

II. PRIVREDA SA POLJOPRIVREDOM

Opredijeliti dio budžetskih sredstava u pravcu podržavanja samozapošljavanja, pogotovo u oblasti obrta, poljoprivrede te malih i srednjih preduzeća, kao i plasmana domaćih proizvoda na razvijena tržišta kroz promociju i podršku sajma obrta i poduzetništva;

Nastaviti stvarati bolji ambijent za otvaranje novih radnih mjesta nudeći općinsko zemljište i druge privredne resurse zainteresovanim investitorima i privrednicima;

Uraditi idejno rješenje kompleksa aqua parka na lokalitetu Markovača – Semešnica;

Uspostaviti efikasnu kontrolu korištenja privrednih resursa Općine koje koriste koncesionari;

U saradnji sa nadležnim institucijama, ostvarivati efikasnije korištenje i zaštitu naših kulturno historijskih znamenitosti i baštine te pružiti podršku osnivanju i radu fondacija, turističkih agencija, biroa isl.

Podržati aktivnosti brendiranja "Ajvatovice" kao BIH proizvoda te aktivno podržavati i učestvovati na sajmovima;

Pružiti svu neophodnu pomoć individualnim poljoprivrednim proizvođačima u obimu koliko je u nadležnosti općinske administracije, te omogućiti što lakše organizovanje poljoprivredne proizvodnje na vlastitim gazdinstvima;

Aktivno djelovati na provedbi i doradi Strategije razvoja Općine Donji Vakuf i Plana razvoja poljoprivrede na području Općine a posebno na efikasnijem korištenju poljoprivrednih resursa kojima upravlja Općina na način podržavanja podizanja novih zasada voćnjaka, uvođenje novih sortimenata, proizvodnje krmnog bilja i žitarica;

III. KOMUNALNA INFRASTRUKTURA

Radi dugoročnog kvalitetnog snabdijevanja pitkom vodom, uspostaviti sistem gazdovanja vodovodnim sistemima koji će omogućiti njihovo dugoročno održavanje i redovnu kontrolu bakteriološke ispravnosti;

Usmjeravati sredstva Budžeta Općine Donji Vakuf ka konačnom asfaltiranju svih lokalnih saobraćajnica neophodnih za normalno funkcionisanje svakodnevnih aktivnosti lokalnog stanovništva na cijeloj teritoriji općine, te osigurati kvalitetno zimsko i ljetno održavanje izgrađenih putnih pravaca;

Posebnu pažnju posvetiti izgradnji kanalizacijske mreže u svim naseljima gdje nije izgrađena;

Uređenje regionalne deponije u saradnji sa općinama gornjevrubaskog sliva po projektu započetom 2012 godine a po aktiviranju ove deponije uslijedit će sanacija i zatvaranje postojeće deponije Ornice;

Uspostaviti kontrolisano odlaganje krutog građevinskog otpada na cijeloj teritoriji Općine Donji Vakuf;

Realizacija projekta puta Donji Vakuf – Brežićani;

Provesti rekonstrukciju ulice "Zlatnih Ljiljana" prema urađenom projektu a za što je već raspisan javni poziv - tender;

Nastaviti sa radovima na okončanju projekta regionalnog puta Donji Vakuf - Prusac - Bugojno;

Podržati provedbu aktivnosti na okončanju postupka za dodjelu i izgradnju poslovnog centra na lokaciji nedovršenog doma kulture;

Realizovati prema raspisanom tenderu projekat kanalizacione mreže Gornja mahala – Klimenta;

IV. DRUŠTVENE DJELATNOSTI

U saradnji s Javnom ustanovom Dom zdravlja Donji Vakuf, nastaviti daljnje širenje i jačanje mreže zdravstvene zaštite na cijelom području Općine Donji Vakuf, s ciljem podizanja kvaliteta i obima usluga primarne zdravstvene zaštite na cijeloj teritoriji općine;

Inicirati reforme u obrazovanju, u pravcu izučavanja novih zanimanja koja su, evidentno, potrebna privredi Općine Donji Vakuf;

Poticati prekvalifikacije u cilju samozapošljavanja u saradnji sa Ministarstvom obrazovanja, nauke, kulture i sporta Srednjobosanskog kantona i zainteresovanim privrednim subjektima;

Iznaći mogućnosti za dopremanje i davanje na upotrebu nove sportske dvorane te za istu iznalaziti pouzdane izvore finansiranja i održavanja;

Mladim, visokoobrazovanim osobama omogućiti odrađivanje pripravničkog staža;

Za izradu različitih projekata, formirati timove isključivo od mladih ljudi.

Podržati projekte koji uz pomoć javno-privatnog partnerstva mogu značajno utjecati na kvalitet života građana Općine Donji Vakuf;

Na bazi kvalitetnih projekata, jačati saradnju s nevladinim organizacijama i, na taj način, poticati rad nevladinog sektora u oblasti kulture i sporta, zatim poticati rad institucija i kulturnih ustanova radi promocije kulture, kao i povećanja kvaliteta i količine kulturnih sadržaja, te poticati uspješna društva s ciljem očuvanja običajne tradicije prostora Općine Donji Vakuf;

Intenzivno koristiti partnerske odnose s ciljem kvalitetnog osposobljavanja što većeg broja pojedinaca i institucija za projektovanje i pristup evropskim fondovima radi što bržeg i efikasnijeg povlačenja raspoloživih pretpristupnih sredstava Evropske unije;

Nastaviti praksu podrške razvoju sporta osiguranjem infrastrukture i materijalne podrške sportskim klubovima;

U cijelosti iskoristiti postojeće pozitivne zakonske propise s ciljem osiguranja javnog reda i mira i sigurnosti građana na cijeloj teritoriji Općine Donji Vakuf.

V. BRIGA O ZAŠTITI I OČUVANJU OKOLIŠA

Aktivno raditi na rješavanju problema pasa lutilica, uz aktivno traženje izmjena postojećih zakonskih rješenja radi dugoročnog rješavanja toga problema;

Realizacija projekta "čist Vrbas" koji se realizuje u saradnji svih općina Vrbaskog sliva i pod pokroviteljstvom UNDP-a i Japanske ambasade.

Unaprijediti kvalitet održavanja parkovskih i zelenih površina, kombinujući ih sa izgrađenim šetnicama i stazama na području cijele Općine;

Projekte NVO usmjerene na očuvanju i zaštiti okoliša maksimalno podržavati i na partnerskoj osnovi sarađivati u realizaciji istih;

VI. SOCIJALNA ZAŠTITA

Raditi na unapređenju kriterija za utvrđivanje socijalnih slučajeva pomoću evidencija mjesnih zajednica, uz koordinaciju Centra za socijalni rad, te na taj način osigurati realnu pomoć stvarno ugroženim građanima;

Okončati izgradnju najmanje 13 stambenih jedinica za građane Romske populacije i nastaviti poboljšavati uslove života istih;

VII. VJERSKE ZAJEDNICE

Nastaviti kontinuirano dobru saradnju sa vjerskim zajednicama te, kroz zajednički rad, poboljšati njihovu infrastrukturu.

VIII. BORAČKE POPULACIJE

Podržati nastojanja boračkih populacija za zakonito uređenje njihovog statusa;

Podržati sistemska rješenja u osiguranju potpune zdravstvene zaštite pripadnika boračkih populacija;

Podržati obilježavanje značajnih datuma i događaja, s ciljem očuvanja tekovina Odbrambenooslobodilačkog rata.

IX. IZ DOMENA OPĆINSKIH SLUŽBI

Općinske službe za upravu će obavljati poslove propisane Zakonom i drugim pozitivnim zakonskim propisima, a u skladu sa Odlukom o organizaciji općinske uprave.

Ovaj Programa rada je okviran i ostaje otvoren za sve korisne prijedloge i inicijative i moguće su izmjene i dopune u toku njegove implementacije.

Broj:02-05-19/13
Datum:25.01.2013. godine

Općinski načelnik
Sušić Huso s.r.